



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Concilivm Ambresbyriae, Sev In Vrbe Ambrosii VViltoniensi pago
celebratum anno Christi DCCCCLXXVII.

urn:nbn:de:hbz:466:1-15625

ANNO
CHRISTI
977.

studio tuentibus, solarium totum repente cum axibus & trabibus dissiluit & concidit. Omnibus ad terram elisis, solus Dunstanus stans super vnam trabem quæ superstes erat euasit probe: reliqui vel exanimati, vel perpetui languoris compede detenti. Hoc miraculum archiepiscopo exhibuit pacem de clericis, omnibus Anglis tunc & deinceps in eius sententiam concedentibus. *Hæc Malmesburio Baronius. De eodem Henricus Huntingdoniensis hist. lib. 5.* Edvardi sancti regis anno quarto omnes optimates Anglorum ceciderunt a quodam solario apud Calne, præter sanctum Dunstanum, qui trabe quadam apprehensa restitit. Vnde quidam eorum valde læsi sunt, quidam vero mortui. Signum scilicet Dei excelsi fuit, quod proditione & interfectione regis sui ab amore Dei casuri essent, & a diuersis gentibus digna contritione conterendi.

CONCILIVM AMBRESBYRIÆ,
SEV IN VRBE AMBROSII VVILTONIENSI
pago celebratum anno Christi DCCCCLXXVII.

PRÆTER nomen nihil exhibet hoc Concilium. De hoc ita *Vvigoricensis*: In Eastanglia apud villam quæ Kyrlinege nominatur maxima Synodus celebratur. Dehinc apud Calne regiam villam dum alia celebraretur, totius Angliæ maiores natu, qui ibidem congregati fuerunt, excepto Dunstano, de solario corruerunt; quorum quidam mortui sunt, quidam vero mortis periculum vix euaserunt. Tertia apud Ambresbyrig Synodus celebrata est. Domnaniæ præsul Sidemannus obiit. *Hæc ille, & inferior Iornalensis*: Celebratæ sunt (inquit) in Anglia tres Synodi; prima apud Kerlynge, secunda apud Calne, vbi omnes proceres, excepto Dunstano, de solario corruerunt: tertia fuit Ambresbyri. *Anni non meminit, sed hæc ille in Edgari regis vita posuit.*